

# Syarat baru pelajar ITM dan politeknik



DR. MAHATHIR

BH 24 JUL 1975  
**SHAH ALAM, Khamis.** — Institut Teknologi Mara (ITM) dan politeknik tempatan yang tidak tertakluk di bawah Akta Pindaan Universiti, akan dikenakan peraturan dan syarat-syarat yang bersesuaian.

Menteri Pelajaran, Dr. Mahathir Mohamed hari ini berkata syarat-syarat tersebut yang dijangka dikuatkuasakan tidak lama lagi "tidak banyak perbezaannya dengan Akta Pindaan Universiti."

Antara lain Akta Pindaan Universiti termasuk penggantungan para pelajar dari universiti jika didapati terlibat dalam kegiatan kesalahan jenayah.

Pelajar-pelajar yang ditahan atau tertakluk di bawah perintah yang mengenakan sekatan berhubung dengan tahanan perlindungan atau Keselamatan Dalam Negeri akan dilucutkan sebagai pelajar Universiti.

Akta tersebut juga melarang pelajar atau badan-badan universiti menjadi ahli atau menyertai mana-mana pertubuhan, kesatuan sekerja, parti politik kecuali diperuntukkan di bawah perlembagaan universiti.

## Peluang

Menurut Dr. Mahathir, ITM yang satu masa dulu di bawah Kementerian Berasingan, tetapi kini tanggungjawab Kementerian Pelajaran perlu mempunyai peraturan dan syarat yang bersesuaian sebagai landasan mengelakkan sebarang salah-faham.

Sebelum itu berucap merasmikan minggu suaikenal ITM, beliau mengingatkan kira-kira 2,700 pelajar baru janggan menyeleweng dari tujuan asal mereka ke situ."

Menteri Pelajaran itu menasihatkan mereka menggunakan peluang yang telah diberikan sepenuhnya.

"Kerajaan telah mengadakan kemudahan-kemudahan belajar yang menelan belanja berjuta-juta ringgit supaya dapat menentukan para pe-

**'Jangan mudah  
dipengaruhi  
kata2 manis'**

**\* DARI MUKA 197**

lajar terutama pelajar Bumiputera tidak ketinggalan.

"Untuk ITM sahaja kira-kira \$3 juta disediakan bagi membiayai berbagai keperluan pelajar."

Kata Dr. Mahathir, wang berjuta ringgit itu adalah hasil titik peluh rakyat dan jika ia tidak digunakan dengan berkesan "akan menimbulkan masalah kepada masyarakat."

Bellau juga mengingatkan para pelajar jangan mudah dipengaruhi "kata-kata manis" pihak tertentu yang menggunakan ugama Islam untuk kepentingan diri mereka sendiri.

Pemangku pengarah ITM, Encik Tahir Majid dalam ucapannya pula berkata, pihak ITM merancang kursus baru Sarjana Muda Pendidikan Ekonomi (B. Econ. Ed.).

Sementara itu berucap merasmikan bangunan Sekolah Alliance Franciscan di sini malam tadi, Dr. Mahathir berharap lebih ramai rakyat mempelajari Bahasa Perancis untuk meluaskan hubungan dengan negara-negara Franco-phone di Asia Tenggara dan Afrika.

Negara-negara tersebut khususnya Khmer, Laos dan Vietnam memainkan peranan penting dalam perkembangan yang berlaku di Asia Tenggara khasnya dan seluruh dunia am-